

國

策

地

名

考

國策地名考卷十

欸 程恩

儀徵阮芸臺先生鑒定 溧陽 狄子

宜賓 徐 勲 梓

魏上

原注自高陵以東盡河東河內南有陳留及汝南之召

陵潁彊新汲

新汲應作新息新息屬汝南新汲屬潁川

西華長平潁川之舞

陽鄆許僞陵河南之開封中牟陽武酸棗卷張氏琦曰

魏地自今陝西華州以北同州延安鄜州以北山西蒲

州府解絳吉縣等州平陽之太平澤州之鳳臺陽城河

南之陝州懷慶衛輝開封歸德許州及彰德府南境裕
州之舞陽北有直隸大名山東荷澤皆是恩澤案魏姬

姓畢公之後自畢萬仕晉封於魏故魏國也今山西解

州芮城縣

古魏城在縣東北一名河北城又名永樂城通志以魏城在陝州平陸似誤又地理志魏

郡有魏縣應劭曰魏武侯別都在今大名府城南十里漢書文穎注畢萬封魏今河北縣後爲秦逼徙都今魏

郡魏縣至惠王復徙大梁此說臣瓚已斥之

悼子徙霍故霍國也今霍州莊

子

漢書臣瓚注作昭子

徙安邑故夏都也今解州夏縣惠王徙大

梁今河南開封府祥符縣因改國號曰梁自畢萬後十

代至文公列爲諸侯又七代至王假爲秦所滅閭若

璩曰魏地自河西逶迤至河南幾將二千里燕秦國平

里者蓋從長而橫不足絕長補短算也管同曰魏地兼
有河東河西河內河外約言之龍門以東據汾爲河東
今汾蒲吉解諸府州是龍門以西爲河西今同鄜等州
是太行之南殷墟爲河內今彰德衛輝懷慶等府是太
華之東號畧爲河外今陝州是

當兼河南
開封說

宋翔鳳曰魏

西與秦界南自華州鄭縣西北過渭水濱洛水南岸向
北有上郡鄜州之地皆築長城以界秦境北至榆林從
長千餘里皆魏河西地惠王始失少梁秦乃自河西至
安邑襄王三年

當依竹書作惠王
後元四年下倣此

以陰晉爲和是同州

以南入秦也五年予秦河西地是雕陰以北入秦也七

年盡入上郡於秦則固陽以南尺土皆爲秦有大河之勢全失矣

晉國

趙策趙收天下章韓亡三川魏滅晉國原注晉國謂安

邑

恩澤

案元和志晉遷新田今平陽絳邑縣也戰國時

屬魏邵晉涵曰三家分晉魏得晉之故都故獨稱晉國

舊說非是正義謂河北之地安邑河內亦未析

秦策注又以晉

國爲大梁蓋魏

國之別稱也

安邑

秦策令向謂秦王曰章宋破晉國危安邑王之有也商

注安邑在河東近秦鮑同

恩澤

案漢志河東郡有安邑

縣括地志安邑故城在絳州夏縣東北十五里

正義及元和志

並同本夏之都洪亮吉曰今解州夏縣戰國魏都也故城

在縣北周三十里西南遺址尚存今安邑縣乃古安邑

地

錢坫曰今安邑在夏縣西南蓋兼有其地

後魏太和十一年始於此置南

安邑縣

隋夏縣置安邑郡十八年改為北安邑縣故此稱南

隋開皇初遂改漢安

邑縣為夏縣

魏自魏絳徙此武侯二年

竹書作十一年城之

惠王去安邑徙大梁至昭王十年遂以與秦

並見史記

大梁

秦策頃襄王二十年章王又舉甲兵而攻魏杜大梁之

門舉河內拔燕酸棗虛桃人原注大梁魏惠王所都也

今陳留浚儀西大梁城是也恩澤案地理志陳留郡浚

儀縣故大梁郡國志水經注以此魏惠王自安邑徙此

竹書在惠王六年徐廣引竹書作九年史記水經注大

梁城本春秋之陽武高陽鄉也於戰國爲大梁通典汴

州城西古城戰國時魏惠王所築戴延之謂西北即今

祥符縣也陳無已曰開封無山川之險爲四戰之地

胡三省曰大梁控引河汴南通淮泗北接滑衛舟車之

所湊集

王屋

本策芒卯謂秦王曰章王之所欲於魏者長平鮑作三

屋洛林之地也原注王屋在河東垣縣東北恩澤案

海經王屋之山聯水即沈水出焉西北流于秦澤漢志河

東郡垣縣禹貢王屋山在東北沈水所出淮南子天下

九山王屋其一括地志沈水出王屋山頂雌下石泉元

和志山在縣北十五里括地志作十里周一百三十里高三十

里山有三重其狀如屋河南通志形如王者車蓋故名

其絕頂曰天壇此山之北峯最高處東曰日精西曰月華上有太乙池即濟源地蓋濟

水發源之處戴震曰山在陽城縣山西澤州府南八十里東

至濟源縣河南懷慶府亦八十里西南至垣曲縣山西絳州一百

里 顧祖禹曰濟源有王屋城爲周召康公邑亦漢垣
縣地秦所欲者殆卽指此歟

河

齊策秦伐魏章秦得絳安邑以東下河必表裏河

鮑本有山

字恩澤

案地理通釋河至慈州文城縣

今吉州

孟門山是

爲入龍門口至絳州汾州合河之上是爲出龍門口柳
子厚晉問晉之故封黃河迤之是也秦與魏以河爲界
秦以河西爲裏河東爲表魏以河東爲裏河西爲表秦
若得魏絳安邑地則內外皆河故曰必表裏河鮑不得
其解補一山字謬甚

汾水

秦策秦昭王謂左右曰章汾水利以灌安邑絳水利以

灌平陽原注汾水出汾陽屬河東補曰漢志汾水出太

原汾陽縣北山至河東汾陰縣入河正義云安邑在絳

州夏縣汾水東北歷安邑西南入河恩澤案山海經管

涔之山汾水出焉又云出上窳北淮南子汾出燕京三

州志作武州燕京山祁晉涵曰爾雅之幽州兼職方之并州太原嘗屬於燕故山有燕京之名蓋取異

名說文水經並同漢志惟汾陰爲今榮河縣其地在安

邑之西北並非西南且中隔聞喜縣相距尙遠謂可以

灌安邑頗覺難通故酈道元亦深致疑而近儒以爲互

文見意

閻若璩高士奇說

然絳水卽與汾水合流亦與安邑無

涉惟涑水出聞喜縣黍葭谷西南過安邑縣西最爲偏

近可引以灌城或者傳寫有訛歟

淮

本策蘓子爲趙合從說魏王曰章南有鴻溝陳汝南有

許鄢昆陽邵陵舞陽新鄆東有淮潁沂黃煮棗海鹽

二字

鮑本無

疎西有長城之界北有河外卷衍燕酸棗原注

淮出南陽平氏

恩澤

案水經注淮水出南陽平氏縣胎

簪山東北過桐柏山

山海經淮出餘山在朝陽東義鄉西地理志淮出平氏桐柏大復山

至廣陵淮浦

漢志作淮陵蓋淮陰之訛

縣入于海以今地言之歷經

河南之南陽汝寧光州安徽之潁州鳳陽泗州江蘇之
淮安等處距魏都頗遠然是時魏有新鄆爲今之潁州
正淮水所經之地則以爲東有淮潁非虛語也

潁

見上原注潁出潁川陽城恩澤案水經注潁水出潁川

陽城縣西北少室山地理志作陽乾山說文作陽城乾山東南至慎縣東

南地理志作下蔡入于淮以今地言之歷經河南之河南開封

許州陳州安徽之潁州鳳陽等處其下流所及皆魏東

境正義曰淮謂淮陽郡潁謂潁川郡也然於下文沂

字便說不去似仍作水名爲是又周有潁邑卽陽城廢

縣在今河南登封縣東南四十里蓋以水名邑也左傳
天王使劉定公勞趙孟于潁晉梁丙張趯率陰戎伐潁
皆此地也然非策文所指

沂

見上原注沂出泰山蓋縣恩澤案水經注沂水出泰山

蓋縣艾山

黃儀曰康成謂沂出沂山今沂水實出驪崖山北去東泰山尚五十餘里則古沂山當卽

指此或云臨樂山蓋其支阜別名也胡渭曰沂水有二源南源謂之柞泉出馬頭山北源謂之魚鰭泉卽齊乘所謂東南流逕下邳縣北分爲二俱入于泗以今地

狗泉也

言之歷經山東之沂水蘭山郟城江蘓之邳州等處皆
非魏地豈淮北泗上之邑魏固有時得之耶 此大沂

水也又有小沂水三一出武陽冠石山一名治水一又名武水一出

黃孤山俱入於沂一卽大沂水之分流山下邳城東屬

從縣南注泗水上有橋卽張良圯橋也並見水經注至論語會點所

浴之沂則出尼邱山卽魯頌所云坵野西南入泗亦名小沂水

然與此又別

黃

見上原注卽陳留外黃正曰見秦策水經注河水舊在白

馬縣南洑通黃溝括地志故黃城在魏州冠氏縣南十

里因黃溝爲名舊注非是恩澤案以此黃爲黃溝甚是

惟牽合黃城亦未明析蓋此黃字次於淮潁沂之下當

是水名而水之以黃名者甚多

封邱有黃池外黃有黃濟內黃有黃澤又京水

亦名黃淵鉅野荷澤亦名黃水並見水經注

相其地望當在魏之東境故以

黃溝爲近是若燕策所云決白馬之口魏無黃濟陽者

則是地名然與齊策所云燒棘蒲隊黃城者又非一處

茲俱別見

汝

見上原注汝出宏農入淮

恩澤

案山海經汝水出天息

山在梁勉鄉西南入淮極

地名

西北淮南子汝出猛山

注

名高陸山

說文汝出宏農盧氏還歸山東入淮地理志汝出

汝南定陵高陵山東南至新蔡入淮釋例汝出汝陽縣

大孟山至汝陰襄信縣入淮博物志汝出燕泉山括地
志汝出汝州魯山縣西伏牛山亦名猛山至豫州郟城
縣名讀說雖小異然皆流經今河南之汝州南陽許州
陳州等處而入於安徽之潁州皆魏南境也齊召南曰汝水舊從舞陽縣北而南入西平界自元末於渦河竭斷其流使東歸潁於是西平雲莊諸石二山之水明時亦塞今水道與古全異

鴻溝

見上原注在滎陽恩澤案史記河渠書滎陽下引河東

南爲鴻溝以通宋鄭陳蔡曹衛與濟汝淮泗會于楚孔
氏曰卽汲水也將相表高帝四年與楚界洪渠卽此郡

國志滎陽有鴻溝水文穎曰卽官渡水也索隱曰蓋爲
二流一南經陽武爲官渡水一東經大梁城卽河溝今
之汴河是也胡氏曰汴渠自西而東鴻溝乃橫亘南北
漢書謂之狼蕩渠永平中治之謂之浚儀渠地理通釋
紀年云梁惠王三十一年爲大溝于北郭以行圃田之
水縣北有浚水儀而像之故曰浚儀中牟縣北十二里
有中牟臺是爲官渡城顧祖禹曰卽禹貢灘水所謂河
出爲灘也春秋時謂之泓水水經注濟水東合滎瀆亦
兼邲之稱又云卽左傳崩然水其地蓋卽滎口受河之處今在河
陰縣西洪亮吉曰滎水上流卽汴河自中牟縣流逕祥

符南分流又東南逕通許尉氏

水經注尉氏縣有鴻溝鄉鴻溝亭皆以水得名

入陳州府界卽古鴻溝亦名河溝又名沙水

今名惠民河亦曰賈

魯河

滎口

滎舊作發

燕策秦召燕王章決滎口魏無大梁原注滎澤之口補

曰索隱云滎澤口與今汴河口通其水深可以灌大梁

恩澤

案水經濟水又東合滎賁注云濟水受河水有石

門謂之滎口石門蓋故滎播所道自此始地理通釋云

郡國志王莽末旱此渠枯涸濟水但入河而已不復截

流而南水經乃依禹貢故道斯不詳之甚然在戰國時

正當依水經為說今在河南開封府榮澤縣廢河陰縣

西二十里

逢澤

秦策或為六國說秦王曰章魏伐邯鄲因退為逢澤之

過原注開封東北有逢池或曰宋之逢澤

恩澤

案宋逢

澤當在今商邱縣郡國志梁國蒙縣有蒙澤逢蒙聲近

蓋即逢澤也

又名逢洪陵
見水經注

此逢澤是魏地竹書紀年梁

惠王

六年

發逢忌之藪以賜民臣瓚曰今浚儀有逢陵忌

澤是也地理志河南郡開封縣有逢池徐廣曰開封東

北有逢澤水經注魯溝水流逕開封縣故城北南際富

城東南入百尺陂卽古逢澤也括地志逢澤一名逢池

在汴州浚儀縣東南

元和志寰字記路史並作東北

十四里

九域志云逢陂忌澤

字音厓卽古逢伯陵之國此說似誤據左傳伯陵封國當在齊地國語韋昭注亦然

今在祥符

縣東北

一作東南

二十四里蓋本逢陂忌澤二地合而爲逢

澤

今有逢陂

沙海

松原作少

東周策秦興師臨周章謀之暉臺之下少海之上原注

九域圖開封有沙海引此

恩澤

案寰宇記沙海在開封

縣西北十二里卽顏率所云也今無水洪亮吉日今在

祥符縣西北十二里

少海見韓非子乃齊地故從鮑

注

輿地廣記
亦作沙海

白馬口

秦策張儀說秦王曰章央白馬之口以流魏氏高注白

馬津名補曰本衛之漕邑今滑州縣

恩澤

案漢志東郡

有白馬縣開山岡曰白馬津東可二十許里有白馬山

因以名縣及津白馬濟津之東南有白馬城衛文公東

徙渡河都之故濟取名焉水經注竹書紀年梁惠成王

十二年楚師出河水以水長垣之外金堤

在白馬界今
在滑縣西南

既建故渠水斷尚謂之白馬潰又云梁取枳道及鄭鹿

鄭鹿卽是城亦曰鹿鳴津

王應麟曰白馬津在
鹿鳴城之西南

胡氏曰

河自黎陽遮害亭決而東北流過黎陽縣南河之西岸
爲黎陽界東岸爲滑臺界其津口爲白馬津通典於黎陽下曰有
白馬津移河南之津於河北通雅從之非是今在河南衛輝府滑縣北一作
舊爲大河津渡處

宿胥口

同上滎口章決宿胥之口魏無虛頓邱原注徐注紀年

曰敖

敖或作敖

山寨宿胥口

恩澤

案魏志建安九年武帝於

清淇口東因宿胥故瀆開白溝道清淇二水入焉水經

注淇水右合宿胥故瀆瀆受河於頓邱縣遮害亭東黎

山西北會淇水處立石堰過水令更東北注通典淇水

東至衛縣界入河謂之淇水口通雅黎陽遮害亭西十

八里至淇水口

本漢書
溝洫志

卽宿胥口也

據水經注宿胥口
與淇水口似非一

處又云濟水次東得宿胥水口
水受大河渠此在河南又一地今在衛輝府濬縣西南

長城

見上淮下原注滎陽卷縣有長城經陽武到密補曰魏

惠王十二年

水經注作秦孝公
元年當惠王十年

龍賈卽師築長城於西

邊卽此又十九年魏築長城塞固陽正義云自鄭濱洛

北由銀州至勝州固陽縣爲塞固陽有連山東至黃河

西南至夏會等州蘓秦說合從在惠王後二年七年納

上郡于秦則此時固陽之長城猶魏地也

恩澤

案竹書

龍賈所築之長城卽固陽長城也若郡國所云卷有長

城經陽武到密者自在其後元和志魏長城在硤石縣

北二十二里惠王十九

水經引竹書作十五

年築東南起峭山西

北至河三十七里似卽郡國志所云而其地又別疑當

時魏長城本自卷築起直至峭山大河而止故曰長城

後來傾圯不全故各就所見言之然與固陽長城無涉

也水經注以此卽龍賈所築而舊註從之非是

劉昭補注引燕

秦說爲証亦似誤

顧祖禹曰秦本紀魏築長城自鄭濱洛以北

有上郡固陽今陝西榆林衛

今改

北有裊陽塞

水經注渭水又

東逕長城北秦孝公元年魏築長城自鄭濱洛者也張氏琦曰今華州西二里邠州西南四里有故長城卽六

國時遺址鄭卽華州治洛洛水雍州浸也上郡今延安府綏德州初河西之地皆魏有也其後乃築長城於滎陽陽武間則固陽長城在前而滎陽長城在後前人已有定論矣張氏釋地以卷長城爲韓魏之界固陽長城爲秦魏之界似非

上郡

見趙

上地

同上王屋章王所患者上地也原注上流之地近秦正曰未知所指思澤案上地似卽上郡之地是時已入秦

故吳以爲未詳然其地亦必近秦故以秦爲患或卽在
上洛左右界秦之處歟

上洛

秦策楚魏戰於陘山章魏許秦以上洛原注屬宏農恩

澤

案地理志宏農郡有上雒縣郡國志屬京兆尹有冢

嶺山雒水出又有苑和山蒼野聚

杜預曰在縣南

並見左傳所

謂晉陰地也竹書紀年晉烈公三年楚人伐我南鄙

自故

晉風之此爲南鄙

至於上洛卽此晉武帝時置郡地道記曰郡

在洛上故以爲名今陝西商州有上洛廢縣

所屬之雒南縣亦上

洛縣地

山北

本策魏將與秦攻韓章所亡乎秦者山北河外河內原
注山吳華之屬正曰正義云山華山也華山之北同華
銀綏皆魏地也恩澤案張氏琦曰山南蓋謂商洛本魏
地山北陝號華陰也若同州以北則所云河外是不得
於山北并數之

西河

秦策楚攻魏章魏戰勝復聽於秦必入西河之外原注
禹貢西河屬雍州此時屬魏補曰蓋主冀之西而言正
義云同華等州恩澤案西河有二說史記魏有西河土

郡又云西河魏文侯所興吳起爲西河守政化大行王

錯譖之起曰吾恐西河將爲秦有遂奔楚未幾西河果

入秦又云襄王五年予秦河西之地正義曰自華州北

至同州並魏河西地

韓信傳涉西河正義曰卽同州龍門河從夏陽渡者

胡三省

曰高陵縣漢屬馮翊其地在河西所謂西河之外者也

此皆主今陝西言元和志汾州禹貢冀州之域其在虞

舜十二州及周皆屬并州春秋時爲晉地後屬魏謂之

西河子夏居西河吳起守西河皆謂此

此說似誤說見上卽子夏所居

亦不在此或曰在今懷慶府境胡渭以水經注子夏石

室在今邵陽縣東似誤正義云括地志竭泉山一名隱

泉山在汾州堽城縣北隨國集記云此爲子夏石綱目

室遇老西河居此有卜商神祠今見在未知孰是綱目

集覽西河今太原汾州是

今洪洞縣西南三十里有西河廢縣

此皆主今

山西言下云取皮氏卒萬人車百乘以與魏犀首則河

東之地已爲秦有豈復能跨及河西蓋古西河郡原兼

有今陝西山西之地

寰宇記謂魏西河在勝州富昌縣似偏

在惠王初年

當據龍門以西言在惠王末年當據龍門以東言也

汾北

本策魏太子在楚章公因割汾北以與秦而爲和原注

汾北魏地

恩澤

案汾水之北在今爲山西寧武府偏關

縣於漢爲西河郡蓋亦西河餘地也

太原

同上榮口章我舉安邑塞女戟韓氏太原卷原注不通

此四處

恩澤

案據注則韓氏也太原也卷也皆魏地也

然趙策云秦舉安邑而塞女戟韓之太原絕卽此篇所云而氏作之卷作絕則韓乃韓國卷卽絕意俱非地名太原又韓地非魏地也舊注似誤索隱謂太衍文原當作東京及卷皆屬滎陽是魏之境亦誤

韓氏

見上

女戟

見上原注

見趙策

地缺正曰女戟地名在太行西

恩澤

案

此本索隱劉伯莊說彼以太原爲太行故有此論當以
闕疑爲是

河東

中山策犀首立五王章張登因謂趙魏曰齊欲伐河東

原注河東魏地恩澤案胡三省曰河東地蓋安邑大陽

蒲坂解縣瀕河之地但此處河東據策文當兼屬趙魏

姑錄以俟考

絳

見上河下原注絳屬河東恩澤案漢志河東郡有絳縣

注云縣西有絳邑城卽翼也水經注按詩譜言晉穆侯

遷都於絳暨孫孝侯改絳爲翼翼爲晉之舊都也後獻
公北廣其城方二里又命之爲絳故司馬遷史記年表
稱獻公九年始城絳都左傳莊公二十六年晉士蔿城
絳以深其宮是也以上並水經注附水篇文則晉之故絳斷在翼城
今在山西平陽府翼城縣東南十五里其山沃縣西南
二里之絳城則晉新田邑今絳州亦其地而絳州所屬
之絳縣則漢開喜縣地又因開喜爲古曲沃而被以絳
名也戰國時或統此數處俱名爲絳未可知也

皮氏

本策秦楚攻魏章圉皮氏原注屬河東案見秦

冀

同上榮口章下軹道道南陽封冀

張氏琦曰索隱以軹爲在河內不得既至

河內方至蒲坂封陵皮氏冀亭當如徐廣爲霸陵之軹也南陽次封冀上亦誤原注後志河東

皮氏有冀亭注引此

恩澤

案左傳冀爲不道杜預曰冀

在皮氏縣東北京相璠曰古之冀國所都也顧棟高曰

冀本國名地并於虞虞亡歸晉後爲卻氏邑地有如賓

鄉卽冀缺耨處今山西絳州河津縣東北有冀亭路

史秦之清水縣故伏羌城冀我國秦漢之冀縣也此又

一地

封

見上恩澤案此字舊俱無注似作封守解不以爲地名

然索隱云封陵冀邑皆在魏境王氏曰封謂封陵冀謂

冀亭則封卽封陵也說見下晉志滎陽郡有封縣卽今之開封非此封也

封陵

同上封陵之戰原注魏哀十六年秦敗我封陵韓記注

岸門封陵亭名岸亭在潁然則封陵亦屬潁川恩澤案

封陵一作封谷見竹書又名風陵亦稱風谷相傳爲風后冢

寰宇記作水經注函谷關胡三省曰直北隔河有層阜

文嬭墓巍然獨秀孤峙河陽世謂之封陵戴延之所謂風塏也

唐書地理志河中府河東縣南有風陵關正義封陵在

蒲坂西南河曲之中通典風陵關南岸與潼關相對今
在山西蒲州府永濟縣南五十五里舊注非是

晉陽

本策張儀爲秦連橫說魏王曰章叔衛取晉陽則趙不

南原注史作陽晉正義云在曹州乘氏縣西北

恩澤

案

陽晉衛地

說見衛

晉陽魏地竹書紀年赧王十二年秦拔

魏蒲坂晉陽封谷

六國表同

括地志蒲州虞鄉縣西有晉陽

故城今名晉城是也亦有作陽晉者然與衛陽晉非一

地胡三省曰其地當在蒲坂之東風陵之西大河之陽

本晉地也故謂之陽晉蘓秦所謂衛陽晉之道蓋以魏

境在陽晉故在衛地者稱衛陽晉以別之也此言陽晉
陽則趙不南與齊楚二策所言近於齊宋者不同疑衛
乃魏字之訛古魏城卽畢萬所封者在今芮城縣北陽晉在今
虞鄉縣西正是接壤爲趙魏南北往來之道因與衛地
字音相同輾轉流傳遂致斯誤

輸

本策

高本
賜絲

安邑之御史死章輸人爲之謂安邑

補

令曰

原注輸安邑里名

恩澤

案史記酈商傳得俞侯樂布自

季齊來索隱曰俞音歛縣名又音輸在河東疑卽此地

復漢書武傳注解屬

本原郡疑別一地

上黨

西周策犀武敗於伊闕章魏王以上黨之急辭之

思澤

案地理志魏地自高陵以東盡河東河內其境不及上黨然戰國時兼并無常難拘舊域正義云七國時韓有潞州及澤州之半半屬趙魏是魏亦有上黨也

兩上黨

同上秦悉塞外之兵以攻南陽而兩上黨絕矣原注言趙韓援魏之路絕正曰是時魏上黨被兵若秦攻南陽則魏又當禦之而上黨必絕

思澤

案韓魏易地章云韓

兼兩上黨以臨趙是時韓魏各有一上黨魏欲以上黨

易韓之南陽鄭地三川韓本有一上黨又得魏之上黨
故曰兩上黨此兩上黨亦當如此解蓋言秦攻南陽此
魏地則韓魏之上黨皆不通耳地理通釋云所謂兩上黨
者蓋在韓魏之間是也

國策地名考卷十一

歙 程恩澤纂

儀徵阮芸臺先生鑒定 溧陽 狄子奇箋

宜賓 徐勳梓

魏中

河北

齊策蘇秦說齊閔王曰章襲魏之河北燒棘蒲高木作溝隊

黃城原注河北屬河東恩澤案漢志河東郡有河北縣

卽故魏國今芮城縣也但此乃漢縣非戰國時所云河北以下文推之其地當在今大名彰德之間則亦謂大

河以北耳即下棘蒲黃城等處

棘蒲高本一作溝

見上注大棘在陳留襄邑南蒲蒲坂也謂此正曰正義

云今趙州平棘縣古棘蒲邑恩澤案漢志常山郡有平

棘縣應劭曰即棘蒲也關駟曰平棘本晉之棘蒲戰國

時改為平棘此正義所本也顏師古曰功臣表高帝時

有棘蒲侯陳武六年又有平棘侯林摯七年文帝時有

棘蒲侯柴武按史記漢興以來將相名臣年表文帝三

年棘蒲侯陳武為大將軍非柴也齊悼惠王世家稱棘蒲侯柴將軍張晏曰柴武臣瓚曰漢帝武

年紀為陳武此云柴武為有二姓則柴武即陳武也帝時又有平棘侯薛澤則棘蒲平棘非一處也錢坫曰

棘蒲魏邑靳歆傳所謂安陽以東至棘蒲者是平棘在

安陽西

當作北

數百里不得合而爲一

高士奇曰晉遷平棘於棘蒲屬趙國

由是遂以平棘名今趙州城中開猶有棘蒲社然其地錢大昕曰或棘蒲國除之後省入平棘俱非是

不知所在且高本作棘溝鮑又分爲兩地說無一定姑

從闕疑爲是

葛藁

高作藁曾作藁

趙策齊欲攻宋章抱陰成負蒿葛藁爲趙蔽原注趙記

注葛藁在馬邱又葛城在高陽屬涿郡

思澤

案趙世家

云成侯十七年與魏惠王遇葛藁徐廣曰在馬邱正義

云括地志故葛城一名依城又名西阿城在瀛州高陽

縣西北五十里顧祖禹曰今山西垣曲縣西南夏里有

葛城或云卽趙魏遇處俞理初癸巳高士奇曰今大名

府魏縣今省入大名縣南二十里有葛築城以藥爲築未知何據卽春秋

傳衛新築邑元和志以新築爲黎陽今肅縣乃趙魏遇處洪亮吉曰葛

藥城在今廣平府肥鄉縣西南二十里衆說不同未知

孰是

馬陵

齊策南梁之難章大破之馬陵高注馬陵齊邑補曰虞

喜云馬陵在濮州鄆城東北六十里有澗深峻可以置

伏麗涓敗卽此徐廣云在魏州元城縣東南司馬彪引

杜預說亦然按齊使田忌將直達大梁龐涓聞之去韓而歸齊軍已過而西則從汴州外黃退至濮州東北六十里是也豈合更渡河至元城哉張氏琦曰此文盡本魏世家正義馬陵道在元城東南十里接濮州境至故鄆城東北本一地也竊意直走大梁者孫子先聲後實之法宜言將走大梁非已至也涓山外黃而東將扼之境上比至齊境而齊軍已道阿鄆入故曰旣已過而西鄆本衛地時服屬于魏自東阿至鄆二百里而入馬陵道滅竈示怯涓遂墮其術而不知也

恩澤

案此說極有

見濮州元城相去不遠得此可息聚訟若今山西遼州

榆社縣西北九十里亦有馬陵關東接和順縣之孫臏
坡俗傳爲龐涓自刎處則誠太遠矣 魏策云自將攻
齊大勝并莒似因齊救韓故別命太子申龐涓將兵伐
齊以報之非卽伐韓之師也錄此以俟知者

幾

趙策秦攻趙章秦敗於閼與反攻魏幾原注魏將正曰
幾邑名正義云或屬齊或屬魏當在相潞之間

恩澤案

大事記謂幾本屬齊廉頗取之自是遂屬趙此說本史

記

廉頗闕相
如列傳

與策不合策明言魏幾則幾爲魏地無疑

趙世家作廉頗攻魏幾與策不同在趙齊救閼與
之前當又是一事然其地固屬魏而不屬齊也 洪亮

吉曰幾城在今大名府元城縣東南

史記建元以來侯表有幾國索隱曰

在河南朝鮮列傳長爲畿侯
韋昭曰在河東未知卽此否

魏氏

見上白馬口下高注魏氏今魏郡縣也

恩澤

案漢志魏

郡有魏縣故城在今大名府城南十里

今省入大名縣

應劭曰

魏武侯別都水經注城內有武侯臺是也但此處鮑吳

二家俱無注似不作地名解且策文言魏氏者甚多與

韓稱韓氏一例未必盡指魏縣也高蓋以其與白馬口

相近故爲是說耳

鄴

本策西門豹為鄴令章原注鄴屬魏郡案見趙

蒲

同上大梁章又取蒲衍首垣以臨仁平邱小黃濟陽嬰

城而魏氏服矣高注當戰國時皆魏地也鮑注河東蒲

坂注故蒲正曰徐廣及索隱皆云此蒲在衛之長垣蒲

鄉恩澤

案蒲有三一即舜都蒲坂在今山西蒲州府永

濟縣東南括地志蒲坂故城在蒲州河東縣南二里是

也一為晉文公所居邑在今山西隰州西北

其在州東北八十里

者乃漢蒲子縣故城又一地

括地志蒲邑故城在隰川縣南

王應麟曰當在

北蒲水經其南故曰蒲陽

四十五里是也

應劭韋昭並以重耳所居即蒲坂非是

一為

子路所宰衛邑在今直隸大名府長垣縣郡國志陳留

長垣縣有蒲城

徐廣曰有蒲鄉

杜預左傳注蒲在陳留長垣縣

西南

輿地廣記唐置滑州

桓三年晉命于蒲是也此蒲邑以下文

推之當在長垣吳說是也

土地名又載一蒲城在昆陽縣北其北有湛水卽左傳湛

阪雖亦魏境然與此無涉

蒲坂

楚策城澤出周章蒲坂平陽相去百里而安邑不知張

氏琦曰蒲坂平陽相去四百五十里新城上梁相去百

餘里疑新城句五字應次蒲坂句傳寫之訛也

思澤

案

此以蒲坂在河東漢志河東郡有蒲反縣應劭曰秦始

皇東巡見長坂故加反孟康曰本蒲也晉文公以賂秦
後秦人還蒲魏人喜曰蒲反矣謂秦名之非也臣瓚曰
秦本紀云以垣爲蒲反然則本非蒲也三說俱未析舜
都蒲坂在唐虞時已有此名不始於春秋戰國間若垣
與蒲坂本是兩地何得相混然正義云前秦取蒲坂復
以與魏魏以爲垣今又取魏垣以爲蒲坂皮氏其後又
歸魏魏復以爲垣俱本史記是當時實屢經更名並非無因
蓋垣爲今長垣縣本衛之蒲邑孟康曰本蒲也卽此意秦嘗取之
後旣歸魏而又歸秦故秦人以爲蒲反本無土旁而魏則仍
其故名曰垣余修曰爲當作易始未得其解此自爲一地與舜都全不

相涉國策所云蒲坂蓋卽指此綱目據實云滑縣東南

五十里有平陽城卽左傳衛侯飲孔悝酒處杜注東郡

陽亭水經云原延南故城卽衛之平陽亭也距長垣幾及百里所謂蒲坂平

陽相去百里者殆謂是歟自漢以來俱列之河東郡則

其名稱之相混久矣

垣元作垣

見上蒲下原注河東有首疑垣正曰索隱云垣卽長垣

非河東之垣也長垣開封縣恩澤案漢志河東郡有垣

縣陳留郡有長垣縣皆魏地也而此章之垣則不在河

東而在陳留卽上下文推之可知也陳留風俗傳縣有

防垣故氏之元和志故城在封邱縣北二十里通典在匡城縣

南今長垣縣東北二十五里有長垣故城其地一名鮑垣又有匡城

蒲城祭城宛亭並見左傳

首垣高本作垣

同上又韓策客卿為韓謂秦王曰章進齊宋之兵至首

垣遠薄梁郭原注首垣魏地恩澤案首垣即長垣也水

經注濮水又東逕韋城有馳道屬於長垣濮渠東絕馳

道逕長垣縣故城北衛地也故首垣矣秦更從今名竹

書紀年梁惠成王十三年鄭釐侯使許息來致地平邱

戶牖首垣諸邑及鄭馳地趙世家肅侯七年魏惠王二十八年

公子刻攻魏首垣皆此地

正義曰蓋在河北

或曰首謂牛首故

城在陳留縣西南十一里垣卽長垣也說見後

平邱

高本
作兵

同上

恩澤

案漢志陳留郡有平邱縣

有黃池卽吳晉會處

陳留風

俗傳衛靈公所置邑水經濟水又東過平邱縣南注云

縣故衛地諸侯同盟于平邱

杜注在長垣縣西南

是也寰宇記平

邱在封邱縣東四十里又在陳留縣西北九十里今在

陳留縣西北五十里

錢站

封邱縣東四十里

洪亮

又在

長垣縣西南五十里

顧祖禹說

蓋皆地相接也

平陽

見上蒲坂下

恩澤

案竹書紀年梁惠成王二十九年齊

田盼及宋人伐我東鄙圍平陽此本衛地戰國時屬魏

距今長垣縣

即上蒲坂

約百里即策文所指也

考見上

或云即

魯之南平陽固遠不相涉若郡國志鄴縣之平陽城則

趙地地理志河東郡之平陽縣則韓地均與魏無干且

距蒲坂俱不止百里也

皇甫謐曰舜所都或言蒲坂

或言平陽及潁

史記集解引作潘正義曰括地志潘闕今潁州城在今保安州其說非是

嚳又以蒲坂爲堯都其說多混故舊注俱主河東言今

不從

燕

見上大梁下原注燕南燕屬東郡補曰燕滑州胙城縣

恩澤

案地理志東郡南

左傳正義引此無南字蓋衍文水經注又云有北燕故以南氏

縣當兩存其說燕南燕國姑姓黃帝後郡國志燕縣本南燕國

有胙城古胙國

又有平陽亭元亭並見左傳

水經注河水又逕東燕

縣故城北於是有棘津之名正義卷衍燕酸棗皆黃河

南地括地志燕今胙城縣

後漢書注同

今衛輝府延津縣北

故胙城縣東有南燕故城

酸棗

同上原注酸棗屬陳留補曰正義云故城在滑州酸棗

縣北古酸棗縣南

恩澤

案酸棗本鄭地

與原延近

襄三十年

盟于酸棗杜注陳留縣是也東南二里有酸棗山

俗呼爲土

山故名述異記者舊說周秦間河南兩小棗遂生野棗

卽今酸棗縣是水經注圖稱云豫章以樹氏郡酸棗以

棘名邦魏世家文侯三十二年伐鄭城酸棗取鄭地而

城之也

元和志云韓世家哀侯卽位滅鄭遂都酸棗舊宮餘址猶存輿地廣記亦云城家記又云韓襄

子所築今韓世家俱無其文疑有誤竹書紀年魏襄王十年河溢酸棗括

地志故城在酸棗縣北

元和志寰宇記並作西南

十五里今在延津

縣北

一作東北

十五里

虛

同上又見宿胥口下原注虛魏地補曰正義云虛謂殷

墟今相州所理一云姚墟在濮州雷澤縣東十三恩澤里

案高注虛空也不以為地名固謬然其地實無的處郡

國志魏郡墟縣故沙鹿春秋沙鹿崩即此在今大名府元城縣

地理志魏郡但有沙縣並無沙鹿縣或曰沙縣即今彰德府涉縣然其地亦不相及索隱虛頓邱

地名與酸棗相近則又當在延津濟滑之間顧祖禹曰

在今胙城縣東南今省入延津春秋桓十二年會于虛秦始

皇五年蒙騫攻魏拔虛即此並本索隱合酸棗頓邱推之其

說似可信今偃師縣東南有虛城即左傳虛滑也與此異

頓邱

同上又本策楚許魏六城章收侵地虛頓邱危原注頓

邱故城在魏州頓邱縣東北恩澤案頓邱有三一爲古

頓邱在今濬滑淇三縣之間詩送子涉淇至于頓邱竹

書紀年晉定公三十一年城頓邱是也一爲漢頓邱在

今大名府清豐縣西二十五里地理志東郡有頓邱縣

郡國志同是也一爲魏頓邱在今清豐縣西北二十五里地

形志頓邱郡有頓邱縣時有兩頓邱縣其一屬黎陽郡卽漢縣也是也此當

指古頓邱言袁宇記旣云古頓邱在衛縣西北二里又云舊城在頓邱縣北謂之陰安縣故城路

史因謂古頓邱在清豐東南十五里俱誤而古頓邱又有三毛奇齡曰一名

土軍水經注魏徙九原西河土軍諸胡於邱側故其名亦曰土軍在淇水南闕駟曰

頓邱在淇水南是也一名五觀太康第五君之號在淇上宿胥

口京相璠曰衛縣西北

正義作東北

三十里有五鹿城今屬

頓邱縣是也一名帝邱帝頓聲轉亦近淇皇覽曰帝學

陵在東郡濮陽頓邱城南臺陰野中

今在滑縣是也並見水經注

三者之中以近宿胥者爲尤切洪亮吉曰古頓邱在今

濬縣西卽其地也

爾雅邱一成爲頓

同敦釋名謂一頓

而成邱無高下大小之殺

桃人

見上大梁下原注桃人史作苑注燕縣有桃城今按任

城有桃聚

恩澤

案郡國志東郡燕縣有桃城劉昭注引

此爲証水經注濮渠東北逕燕城內爲陽清湖

陝南北五里東

西三十里亦日燕城湖又逕桃城南卽戰國策所謂酸棗虛桃者

又云桃水東逕桃仁墟北或曰因水以名墟則是桃水也或曰終仁之故墟非桃水也仁古通人疑卽桃人

索隱今東郡燕縣東三十里有故桃城此蓋據漢郡縣言之唐時無東

郡燕縣之名是也高誘謂桃人邑名處則未聞任城有桃聚

本是謬說鮑反援此以駁史注益謬矣地理志六山郡有桃山桃鄉二

縣寰宇記莒州信都縣有桃城地之以桃名者甚多與此何涉今在延津縣北故胙城

縣東三十里張氏琦謂故桃城在長垣縣西五十里疑誤

共

同上山北章河內之共汲莫不危矣原注見齊策共屬河

內補曰正義云衛州共城縣恩澤案漢志河內郡共縣

故共伯國孟康曰爲周三公者也縣北九里有共山其水

所出十三州記昔共伯復歸國逍遙於共山之首卽此後

爲衛地

東周初尙存鄭共叔出奔共是也不知何時滅入於衛綱目據實謂周爲鄆國非是左傳

益之以共滕之民是也寰宇記共伯國在衛州共城縣

東一里十步故城尙存今在衛輝府輝縣東北九里呂氏

春秋召公就微子閑于共頭之下畢沅云共頭卽共首山

汲

見上

恩澤

案漢志河內郡有汲縣括地志汲在故衛州

所理汲縣西南二十五里路史國名紀今汲郡

此亦古郡名宋

時汲縣屬衛州

治汲縣有古汲城在故新鄉東北四十八里有

太公泉及廟水經一云太公故居今在衛輝府汲縣西南二十五里秦始皇七年還兵攻汲卽此

河內

見上大梁下原注屬司隸正曰正義云卽懷州也在南河之北西河之東東河之西

思澤

案河內有數解一云

自蒲州以東至懷衛一云河從龍門南至華陰東至衛州卽東北入海曲繞冀州故言河內一云古帝王之都多在河東河北故呼河北爲河內河南爲河外俱見史記正義胡三省曰漢河內郡卽魏河內之地閻若璩曰自大河以北總謂之河內非若今之但以懷州爲河內

也然此章實指懷州言地理志河內郡懷縣莽曰河內是也餘見趙

南陽

見上兩上黨下又秦召周君章將以使攻魏之南陽高

注南陽魏邑

又云南陽晉山陽河北之邑河內恩澤案溫陽樊之屬皆是見地理志注

左傳晉於是始啟南陽相傳後爲魏地馬融曰自朝歌

以南至軹爲南陽應劭曰河內殷國也周名之爲南陽

杜預曰在晉山南河北故曰南陽又曰今河內地然則

魏之南陽雖與韓南陽

今河南南陽府

有別而其爲域亦廣矣

卽左傳原文可按也

溫今溫縣陽樊今濟源縣攢茅今修武縣

白水經注以

南陽專屬修武唐宋以下宗之乃謂南陽其統名而修武則魏之南陽疎矣

山陽

楚策江尹欲惡昭奚恤於楚王章故為梁山陽君請封

於楚原注山陽屬魏恩澤案秦本紀將軍驚攻魏定酸

棗燕虛長平雍邱山陽城即此山陽也漢志河內郡有

山陽縣地有雍城古雍國又有蔡城在太行山南故曰

山陽北有秋山即稽康園宅向子期所云山陽舊居也

括地志故城在修武縣西北通典今在懷慶府修武縣

西北三十五里胡三省謂此非河內之山陽蓋班志山

陽郡之地假誤班志山陽郡乃今山東兗沂曹魯府本
非魏地且武帝時始置郡恐戰國無此名也

寧

同上山北章通韓之上黨於其寧原注寧懷州修武縣

恩澤

案書錄解題云是時秦初取韓上黨蠶食其地使

與韓國中絕故信陵君勸魏假道使韓得與上黨往來
則此寧地當在修武正韓通上黨之捷徑也或謂潞安
府襄垣縣北二十里有寧城卽此非是襄垣在上黨
西北卽上黨地於通字說不去又歸德府寧陵縣南有
寧陵城乃信陵君采邑秦楚之際周市欲立故魏公子

甯陵君咎爲王卽此又自爲一地與本章無涉江永曰
今懷慶府修武縣與衛輝府獲嘉縣接境皆古甯城地
周旣改甯爲修武而猶稱甯蓋後又復舊名也衛有甯
氏爲世卿似食采於此

按甯氏采地或在寧
鄉在今淇縣說見下

寧邑

趙策秦攻魏章取寧邑原注寧邑魏地徐以爲趙非也
後志朝歌有寧鄉

恩澤

案魏世家通韓上黨於共甯徐

廣曰朝歌有寧鄉卽用郡國志語故先儒謂寧邑卽寧
以二字本通也然朝歌在今淇縣距修武尙遠似非一
地當兩存其說 張氏琦曰史正義寧新中秦昭王更

名安陽卽今相州外城也故城在今彰德府西北此又

一地存泰

州

同上河北章楚人救趙而伐魏戰于州西出梁門軍舍

林中馬飲於大河原注州屬河內

恩澤

案漢志河內郡

有州縣本周蕪忿生邑後屬鄭又屬晉左傳子產歸州

田于韓宣子宣子因徙居之

見韓世家

不知何時又入魏括

地志故州城在懷州武德縣

地理志州與武德爲兩縣隋改州爲邢邱亦曰安昌

唐改爲武德今

顧祖禹曰今懷慶府河內縣東南五十

并入河內縣

里有武德城卽其地也

江才洪亮古說並同

錢坫謂在今武涉縣

西沁水之南亦係接壤

邢邱

秦策范雎至章於是舉兵而攻邢邱邢邱拔而魏請附
原注邢邱在河內平皋補曰史廩邱鄴邱卽邢邱也恩

澤案秦本紀昭王四十一年攻魏取邢邱懷范雎傳先

取懷後二年取邢邱並與策文應惟六國表作廩邱徐廣

曰一作邢邱魏世家作鄴邱徐廣曰一作廩邱又作邢邱本是誤文但當

各存其說不可謂廩邱鄴邱卽邢邱也况廩邱爲今山

東范縣鄴邱或云今東阿縣距邢邱絕遠吳乃合而一

之謬其餘見秦

高平

同上晉國章反溫枳高平於魏原注高平屬臨淮安定亦有正曰括地志高平故城在懷州河陽縣西言臨淮則繆安定泰地亦非溫枳皆河內故當以懷州者爲正

恩澤案高平本向邑

此又與春秋之向不同古向國在今莒州其在懷遠者襄十四年會

吳于向也在洧川者襄十一年師于向也俱見異地水經注以此卽古向國非是周蘓忿生采

地也晉破南陽遂有其土竹書紀年魏襄王四年鄭使

韓辰歸晉陽及向二月城陽向更名陽爲河雍向爲高

平此向名高平之所由來也徐廣曰向在枳西卽此地括

志在河陽縣西北四十里今懷慶府濟源縣西南有向城

枳輒作

見上原注屬河內

恩澤

案漢志河內郡有軹縣卽原鄉

晉文公所圍是也劉昭曰左傳王以蕪忿生田向與鄭

杜預曰軹縣西北地名向上則枳與高平相近

地有渠梁卽左

傳諸侯會處

括地志故枳城在濟源縣東南正義作南三十

里寰宇記作東南十三里

當作三十里說見下

洪亮吉曰今在濟

源縣南十二里

軹道

趙策蕪秦自蕪之趙章夫秦下軹道則南陽動原注軹道亭名在潁陵正曰故軹城在懷州濟源縣東南以下

言修武之南陽知之大事記顯王十一年韓使許息以

枳道易鹿於魏

見水經注引竹書紀年

年表赧王三十六年秦伐

魏至軹取城大小六十一皆魏之軹也其言秦者在雍

州萬年縣東北去潯水百步軹道亭秦王降處也蕪代

曰楚得枳而國亡則巴郡之枳也

恩澤

案此說甚詳密

寰宇記於濟源縣下謂軹縣故城在縣東南三十里又

於河內縣下謂古軹城在縣西北二十七里似河北之

軹又有二然河內西北卽濟源東南實一地也又韓策

軹深井里卽濟源之軹也聶政韓人則軹宜分屬韓魏

注云韓以枳道易鹿于魏此軹道分屬韓之明証

餘見秦

溫

見上高平下又見西周策溫人之周章原注溫屬河內

恩澤

案漢志河內郡有溫縣故國已姓

昆吾之後

蘓忿生所

封左傳蘓忿生以溫爲司寇是也

王氏卮言左傳王與鄭以蘓田十二溫居

其一則始封於蘓而溫特爲蘓田耳其後遂以爲國高士奇曰蘓蓋其初封溫則續封而尋滅者也後屬

晉戰國時爲魏地括地志古溫城在溫縣西南三十里

襄字記路

史並同今同屬懷慶府

河陽

同上葛孽章今又以河陽姑密封其子原注河陽屬河

內

恩澤

案漢志河內郡有河陽縣春秋天王狩于河陽

卽此賈逵服虔並以河陽爲溫縣非是徐廣曰魏襄王
四年改河陽曰河雍寰宇記故城在今縣西北三十五
里一統志在今懷慶府孟縣西南三十里卽漢河陽縣
也

卷

見上淮下原注卷在鄭州原武縣恩澤案漢志河南郡

後志有卷縣南陽郡亦有卷城左傳所云郭卷也水經
作尹路史云卽國陳留國氏本出其國

注河水經卷縣北又東至酸棗延津二邑皆河津之要

也括地志卷在原武縣西北通典及輿地七里卽衡雍

按水經注河南還卷縣故城東又南還衡雍城西今同
則卷在西北衡雍在東南非卽一地蓋相隔二里

屬懷慶府

古時卷燕酸棗俱在河南今俱在河北蓋

河流遷徙故也

河外

齊策張儀爲秦連橫說齊王曰章魏效河外高注河外

河南吳同

恩澤

案正義河外謂華州以東至陝號索隱

河外河之南邑對河內而言也若曲沃平周等是蘓秦云北有河外卷衍燕酸棗似兼及漢志之河南東郡王應麟曰晉以河東爲河外魏以河南爲河外此春秋戰國之分也胡三省謂秦以河東爲河外梁以河西爲河外張儀所云自秦言之也蓋指魏獻河西上郡而言然

此事距張儀連橫時已二十年而其後又有取梁陝焦
曲沃平周等事正古河外地似仍依舊說爲是

河南鮑作

齊策國子曰章兼魏之河南恩澤案河南卽河外也然

上云封衛之東野下云絕趙之東陽則其地似不在陝
號等處鮑本改作河內殆亦有見於此而疑之歟

陰

見上葛孽下原注陰未詳恩詳案左傳宣二年遂自陰

地及諸侯之師侵鄭杜注晉河南山北自上洛今雒南縣以

東至陸渾今嵩縣其地南阻終南北臨大河故曰陰地則

陰之爲地廣矣顧祖禹曰自焦而東河南山北之處皆

陰地也

此與杜注小異

又昭二十二年帥師軍于陰顧棟高曰

陰卽平陰晉師在平陰是也漢爲平陰縣魏晉改曰河

陰

與今崇澤縣之故河陰縣有別

唐曰河清今爲河南府孟津縣又哀

四年蠻子赤奔晉陰地江永曰今陝州盧氏縣東北有

陰地城蓋卽命大夫屯戍之所

說本春秋地名考畧

是陰地凡有

三處

今霍州靈石縣西南有陰地關此又一處餘見秦策

皆在魏境但不知何指

耳

成

同上原注成屬涿郡又孔子世家注太山鉅平有成城

正曰非魏地

思澤

案據策當是魏地但不知所在路

史漢有陰城國屬趙郡或以陰成二字連讀作一地亦

可備一說

負蒿

同上原注地缺正曰

見黃丕烈策札坊本無

按魏策抱葛薛陰成

據此文則蒿字因葛而誤衍四邑皆魏地

思澤

案魏策

無此二字以爲衍文誠是但如吳說單衍蒿字則負字

當作虛字解與上文抱字配而又云四邑豈以葛孽爲

兩地耶抑以負爲地名耶或曰負蒿乃負黍之訛在今

河南府登封縣西南與陰成相近未知是否

舊

一作舊
鮑作黃

本策楚王攻梁南章韓氏因圖舊原注

亦見策未詳

恩澤

案左傳昭二十三年劉子取牆人直人

彙纂牆一作

牆路史舊牆也今河南府新安縣東北有白牆村

金水發源

疑是其處舊與舊牆並是一字其作舊者俗字省

文耳鮑改作黃則謬矣王符潛夫論帝堯之後有舊氏

蓋以邑為姓者

梧

韓策

鮑屬魏

觀

鮑作魏

映謂春申曰章魏且且暮亡矣不能

愛其許鄢陵與梧割以與秦原注梧屬楚國此時為魏

正曰漢侯國梧屬彭城與許鄆陵不相接左傳襄十年
晉師城梧及制杜注皆鄆舊地制卽虎牢梧必相近恩
厚案路史梧故國本鄆地晉取之嚴啟隆曰梧爲虎牢
旁邑高士奇曰隋書滎陽縣有梧桐澗疑卽梧也

梧下

衛策衛使客事魏章乃見梧下先生高注家有大梧樹
因以爲號鮑同補曰藝文類聚作梧邱恩案梧下疑
卽梧地然細審策文應在國中姑附於此

衍

見上淮及蒲下原注衍魏地正曰索隱云衍在河南與

卷近正義云屬鄭州

恩澤

案魏世家景湣王五年秦拔

我垣蒲陽衍或曰衍卽衍氏也曹參世家正義衍氏魏

邑在鄭州地理通釋衍在鄭州亦曰衍氏今開封府鄭

州北三十里有衍氏城與原武縣故卷城相近

林

鮑有鄉字

同上山北章從林

史記有鄉字黃丕烈曰劉氏云林地名則史記本無鄉字

軍以至

於今秦十攻魏五入國中

恩澤

案左傳宣元年會晉師

于棐林杜預曰苑陵縣東南有林鄉

本郡國志

徐廣曰林鄉

在宛縣索隱曰劉氏云林地在大梁西北徐以爲在宛

縣非也

宛今南陽縣宛林今新鄭縣

括地志宛陵故城在鄭州新鄭

縣東北三十八里本鄭舊縣也今開封府新鄭縣東三

顧作二十五里有林鄉城卽棐林也此地一名棐文十三

也一名林此林鄉是也一名棐林又名林鄉水經注林

鄉故城在新鄭東如北七十許里苑陵故城東南五十

許路史謂宛陵有棐一作林林鄉分爲二說本木注云

集韻棐在魏郡疑誤方輿紀要謂棐林卽北林又合爲

一亦誤杜注北林滎陽中牟縣西南有林亭在鄭北與

棐林異地水經注林亭南去新鄭縣故城四十餘里蓋

以南有林鄉亭故杜預據是爲北林甚密則林鄉卽棐

林非北林明矣服虔以北林爲鄭南地京相璠又以

林中

見上州下原注宛有林鄉

恩澤

案此卽徐廣注說見上

洛林

見上王屋下原注洛林卽蘓代所謂林中河南宛陵林

鄉也

恩澤

案據此則是地凡有六名矣